



Gurutzalditik...Euskaraldira!

Hilaren 18an hasiko den Euskaraldira begira, herritar ugarik aholku bikainak jaso dituzte egunotan, guruzaleen eskutik / 8-9

TXINTXARRI

'Millenial'-etaz, oholtzan

Formol Laborategiak 'Album' antzezlanak dakar herrira. Bertako sortzaile eta aktore Intza Alkain elkarriketatu du TXINTXARRI-K / 6-7

Herriko merkataritza hauspotzen jarraitzeko, kontsumo bonuen kanpaina abiatuko du udalak / 2

Lasarte-Oriaren historia, soziologia eta hirigintza ereduak ezagutzeko ibilaldia antolatu dute / 4

Herritarren kontzientzia piztu nahi du udalak; jarduera ugari egingo ditu Azaroaren 25aren bueltan / 5

Atleten harrobia hazten ari da Lasarte-Orian; kirolariak txapelketen denboraldirako prestatzen ari dira / 11

LOKEko judoek emaitza bikainak lortu dituzte Gipuzkoa, Euskadi eta Espainiako lehiaketetan / 12

Aldizkari hau eta kartel bat jasoko dituzu postontzian, biak hartu!



EUSKARAREN MARATOIALDIA

eta ekin!

HASIERA EKITALDIA

Azaroaren 18an Manuel Lekuona Kultur Etxean 19.00etan
Txapa jartze kolektiboa egingo dugu!

EUSKARALDIA

azaroaren 18tik abenduaren 2ra



Agustin Valdivia eta Sozioekonomia batzordeburu Nuria Fernandez, kanpaina aurkezteko agerraldian. TXINTXARRI

Herriko merkataritza hauspotzen jarraitzeko

Kontsumo kanpaina abiatuko du udalak, hirugarren urtez. Hilaren 14tik 30erako epea izango dute herritarrek bonuak erreserbatzeko, eta erabiltzeko, aldiz, hiru asteko tartea; hilaren 14tik, abenduaren 4ra. Herriko merkataritza hauspotzea dute helburu

Txintxarri

Lasarte-Oriako merkataritza, zerbitzu pertsonal eta ostalaritza hauspotzen jarraitzeko asmoz, kontsumo bonuen kanpaina iragarri du udalak. Egitasmoa abiatzen duen hirugarren urtea izango da aurtengoa, eta prentsaren aurrean eman dituzte argibideak udal ordezkariak.

Iaz bezala, aurtengo bonuak ere atari digital baten bidez eskuratu beharko dituzte interesdunek; honako helbidea prestatu dute horretarako: www.lasarteoriabonoak.eus. Bertara sartzen direnek erregistroa egin beharko dute lehenik. Ostean, egitasmoarekin bat egin duten saltokien zerrenda agertuko zaie. Horrela, bonuen bidez erosketak egin nahi duten establezimendua aukeratu dute, eta bertan erabil nahi dituzten txartel kopurua zehaztu. Bezero bakoitzak gehienez hamabi bonu eskuratu ahal izango ditu, baina komertzio bakoitzean ezingo ditu sei baino gehiago erabili. Aurten, gainera, bonuak ez dira

eskuratu ahal ordainduko. Erreserbatuta geratuko dira, eta erosketak egiteko unean erabiliko dira; erosketak balioaren erdia zuzenean diruz ordainduko diote erosleek dendariari. 10 euroko balioa izango dute; horietatik 5 euro bezeroek jarriko dituzte euren poltsikoetatik. Alde hori (egitasmoaren kostuaren erdia), udalak hartuko du bere gain. Horretarako, 100.000 euro bideratuko dituzte kanpainara eta beste erdia, herritarrek erosketak bonuen diruarekin osatuko da. Hortaz, orotara 200.000 euroko "diru mugimendua" sortuko da herriko merkataritza, zerbitzu eta ostalaritzan.

Erreserbak modu telematikoan egiteko aukerarik ez dute herritarrek, Mirentxura joateko aukera izango dute, goizez (10:00etatik 14:00etara); bertako langileek lagunduko diete tramitea egiten.

Udal ordezkarien jakinarazi dute egunotan banatuko dutela, etxez etxe, kanpainaren informazioa biltzen duen eskuorria.

Tasak %2 igoko dira 2023ko ordenantzetan

Ezohiko saio bat egin du udal korporazioak 2023ko ordenantza fiskalen proposamena aztertzeko. PSE-EEK soilik bozkatu du alde, abstenitu egin dira EAJ-PNV nahiz ELOP eta aurka egin du EH Bilduk. Plenoan eztabaidatutako emendakin bakar bat ere ez dute onartu

Txintxarri

Ordenantza fiskalen igoera "neurtua" onartu du udal korporazioak, Agustin Valdivia alkatearen hitzetan. Ezohiko saioa egin du, txostena bozkatu eta horri aurkeztutako zenbait emendakin eztabaidatzeko. Datorren urteko urtarrilaren lehen indarrean sartuko den proposamenak aurrera egin du, PSE-EEren aldeko bozkekin. EAJ-PNV nahiz Elkarrekin Lasarte-Oria Podemos (ELOP) abstenitu egin dira, eta aurkako iritzia eman du EH Bilduk.

Tasa ia guztiak %2 garestiagoak izango dira 2023an. Aurrezki Kutxen Fundazioak (FUNCAS)

egindako aurreikuspenak hartu izan ditu oinarri udal gobernuak historikoki, baina ez da hala izango datorren urterako ordenantza fiskaletan, eragile horrek estimatu baitu Kontsumo Prezioen Indizea (KPI) %7,5 igoko dela. "Egia esanda, tasak zertxobait gehiago igo beharko genituzke, 2023an garestitu egingo direlako udalak ordaindu beharreko gauza ugari, baina igoera neurtu bat proposatu dugu, herritarren egoera zein den kontuan izanda. Eskerrak eman nahi dizkiet EAJ-PNVri eta ELOPi, proposamena onesteko aukera emateagatik", adierazi du alkateak.

Oposizioaren balorazioak

Horren aurretik, oposizioko alderdiek bozkaturakoa azaldu dute. Hala, ELOPeko bozeramaile David Aresek zehaztu du "arrazoizkoa" iruditzen zaiela ordenantzak %2 garestitzea, kontuan izanda FUNCASEk proposaturakoa baino baxuagoa dela. Hala ere, udal gobernuaren jarduna kritikatu du: "Ez gaude ados gaia jorrazteko moduarekin, berandu ekarri baitu udal gobernuak gaia mahai gainera, eta ez dugu analisi sakonik egiteko astirik izan: aurkeztu ditugun emendakinek aldaketa txiki batzuk besterik ez dituzte planteatzen".

Ildo beretik mintzatu da EAJ-PNVren ordezkari Jon Antxordoki. "Udal gobernuak, eta ez ogasun kontuetan bakarrik, ohitura hartu du gauzak berandu egiteko, taktika bilakatu du: hamabost egun natural, hamar lanegun izan ditugu emendakinak prestatzeko. Urte batean, salbuespen gisa, gerta daiteke, baina ez behin eta berriro. Gero eta urrutiago gaude". Horrekin batera, adierazi du jeltzaleek uste dutela udalak ordenantza fiskalak izozteari aurre egin diezaiokela, baina ez daudela %2 igotzearen aurka. Halaber, lan mahaiak sortzearen premiaz hitz egin du: "Bi legealdi daramatzagu zain".

"Ados egon gintezke ordenantzetakoa tasak %2 garestitzearekin, baina azterketa sakoagoa eginda, ikusi dugu udal gobernuak gauzak kudeatzeko ezintasuna erakutsi duela beste behin", adierazi du EH Bilduko zinegotzi Esti Garmendiak. Norabide horretan, gai hori jorrazteko lan mahaiak eratzearen beharra aldarrikatu du, "datu gehiago izan eta ordenantza landuagoak

garatzeko". "Noski, hori baino lehen, norabideak finkatu behar dira, lehentasunak zeintzuk diren zehaztu eta horien gainean lan egin". Garmendiaren irudiko, udal korporazioak "orokortasunean" onetsi ditu ordenantzak, baina ez da "xeheetasunetara iritsi".

Alderdien emendakinak

- **ELOP:** hutsik dauden etxebizitzien Ondasun Higiezen gaineko Zerga (OHZ) %50etik %100era igotzea.
- **EAJ-PNV:** zenbait tasa izoztea: hondakinena, urarena eta estolderiarena. Sanpedroetan barrakak jartzen dituztenek berdin ordaintzea metro karratuko astegun zein jaiegunetan.
- **EH Bildu:** irabazi asmorik gabeko eragileak salbuestea teknikariei ordaintzeaz eta ikuskizunetako sarreraren gaineko tasak pagatzeaz.



Udalbatzarreko talde politikoetako ordezkariak, Lasarte-Oriako Bizikidetza Taldeko kideak eta herritarrak izan dira ekitaldian. TXINTXARRI

Elkarrizketa espazioen beharraren aldarria

Memoriaren egunarekin bat egin du Lasarte-Oriak. Udal bizikidetza mahaiak herritarren elkarbizitza taldearekin batera ekitaldi xume bat egin du Askatasunaren parkean. Elkarrizketa guneak eta enpatiaz entzutearen garrantzia azpimarratu dute adierazpen instituzionalean

Txintxarri

Euskal Herrian eta Lasarte-Orian motibazio politikoko indarkeria kasuak gogoan izan zituzten, hilaren 10ean, Memoriaren Egunean. Askatasunaren parkean dagoen *Biharraren oroipena* eskulturaren inguruan ekitaldi xume bat egin zen eta Lasarte-Oriako udalbatzarreko kideak, herriko bizikidetza taldeak eta hainbat herritarrek bat egin zuten hitzorduan.

Memoria historikoaren garrantzia nabarmentzeko, Lasarte-Oriako Bizikidetza Taldeak osatutako *Bizikidetzarako memoria* erakusketako Lasarte-Oriako indarkeria kasuen panelek atondu zuten plaza.

Agustin Valdivia alkateak udal bizikidetza mahaiaren adierazpen bateratua irakurriz eman zion hasiera ekimenari.

Elkarrizketarako espazioak

Motibazio politikoko indarkeriaren ondorioz, giza eskubideen urraketak eta beste sufrimendu mota batzuk jasan dituzten pertsona guztiei elkartasuna adierazteko mahaiak Memoriaren egunarekin bat egiten zuela azaldu zuen lehenik.

Eta udalbatzarreko talde politikoak osatzen duen mahaiak sufrimendu mota guztiak aitortzeko duen borondatea berretsi eta biktima guztiarentzat egia, justizia eta erreparazioa aldarrikatu nahi duela duela nabarmendu zuen.

Era berean, Lasarte-Oriako Bizikidetza Taldeko kideen presentzia nabarmendu eta euren egindako lanarengatik esker hitzak eskaini zizkien: "Herritar taldea motorretako bat izan da herriko bizikidetzan, biktimekin eta motibazio politikoko ondorioz sufrimendu anitzak pairatu dituzten bizilagunekin gauzatu duten lanketa baliagarriatik".

Horregatik, enpatiaz entzuteko espazioen boterea aldarrikatu eta desberdinen arteko elkarrizketa espazioen garrantzia azpimarratu zuen alkateak udal bizikidetza mahaiaren izenean:

**EKITALDIRA
BILDUTAKO GUZTIEK
'ASKATASUNA
ZERTARAKO?'
KANTATU DUTE**

"Biktimen, sufritu duten pertsonen, eta herriko bizilagunen arteko elkarrizketarako espazio seguruak ezinbestekoak dira gure iraganera begiratu, gertatutako giza eskubideen urraketa guztiak eta sufrimenduak mahai gainean jarri eta irakurketa partekatatu bat egiteko, giza eskubideen markoa oinarri hartuz eta herriko pertsona desberdinen testigantzei bere lekua emanez".

Aurrerapausoak eman eta iraganen gertatutakoaz ikasteko hitz egin, elkar entzun eta elkar ulertzen saiatu behar dugula ere adierazi zuen, "nahiz eta erabat ados ez egon bestearekin".

Lore eskaintza

Hitzei bost minutuko isiluneak eman zion jarraipena, eta, ostean, lore eskaintza egin zuten: plazan ezarrita dagoen plakaren aurrean -EH Bilduren kasuan, hiru hilarritotemetako batean- arrosa zuriak jarri zituzten.

Ahots doinuek eman zioten amaiera ekimenari. Bildutako guztiak Lourdes Iriondoren *Askatasuna zertarako?* abestia kantatu zuten.



NEURE KABUZ
JEXUX ARTETXE

Buruntza

Jakina denez, gure herrian badago tradizio ukatzaile bat, edozein gauzaren aurreko aurkaritzan erosoago agertzen dena jarrera ekarkor eta konstruktiboetan baino. Desegintzan askoz trebeagoa izan baita egintzan baino. Ez da denbora asko garai bateko ezker abertzaleko buruzagietako batek goraiatu duela "ezetza", azken 60 urteetako euskal gertakizun inportanteenen ezaugarria bailitzan. Bere esanetara, ezker abertzaleak emandako "ezetza" horietan dago "katoia", Euskal Herriaren alde jokatu nahi dugun guztiok jarraitu behar omen duguna. Baina, gehienok oso gogoan dugu zeinen zorizaiztoko gertatu zitzaigun aipatu katoiarenean ezarpena. Hemen, "ezetza" indarkeriaz bideratu da, gorrotoa eta heriotza ekarriz.

Garai batean, ezaren gudaz baietza sortzeko ilusioa zuten gazte batzuek. Dena dela, baziren amets handi hark ekar bezakeen tragediaz berehala jabetu zirenak. Larrutik ordaindu dugu ondoren gertatu den izugarrikeria. Alabaina, ez dira gutxi luzaroan ukazioaren kiribiletik ezin ateraz aritu direnak. Lehen esan bezala, minaren eta sufrimenduaren balantze larria utziz.

Ezaren gudatik ezin dela baietzik eraiki argi ikus daiteke Buruntzan. Gurutzea bota dute, eta han bertan dago eroria. Ezetza zaleen plana, ordea, aurkariaren eraispenean amaitzen da. Ez dira gauza izan eraikitzeko. Egindako birrinketa ezintasun horren adierazle argia da. Eskerrak baietzaren aldekoak ere badirela gure bailaran. Gurutze bakarra zegoen tokian, orain bigurutzedun ikurrina zutitu dute herri honek antsiatzen duen baietzaren sinbolo gisa.

Jalgi
kafé
antzokia

**Jalgi alokatzen
du Ttakun Kultur
Elkarteak**

**Interesa baduzu jarri gurekin
harremanetan azaroaren 20ra arte**

**Geltoki kalea 4, beheka bulegoan
Tel: 943-37 14 48**

**09:00etatik 13:00etara (astelehena ezik) eta
16:00etatik 18:00etara (ostirala ezik).**

ttakun@ttakun.eus

Gure herria sakonago ezagutzeko ibilaldia

Danok Kide elkartearekin eta Gipuzkoako Foru Aldundiarekin elkarlanean, Herritarren ibilaldia antolatu du Impact Hub Donostia kooperatibak larunbat honetan, hilak 12, 10:00etatik 14:00etara. Egitasmoa doakoa da, eta partaideek ez dute izena eman behar

Iñigo Gonzalez Sarobe

Lasarte-Oriako bazterrak, historia eta hirigintza eredu sakonago ezagutzeko jardura bat antolatu du Impact Hub Donostia kooperatibak, Danok Kide elkartearekin eta Gipuzkoako Foru Aldundiarekin elkarlanean. Bihar egingo du, larunbatez, hilak 12. Euskotren geltokian jarri dute hitzordua antolatzaileek, 10:00etan. Eragile horretako kideetako bat den Victor Aspe arkitekto donostiarrarekin elkartu da TXINTXARRI, ekimen horri buruz gehiago jakiteko.

"Ez da bisita gidatu bat izango", azpimarratu du Aspek. "Kontua ez da gida batek lau orduz azalpenak eman eta herritarrek horiek entzutea; haien parte hartzea sustatu nahi dugu, guk baino askoz gehiago dakitelako Lasarte-Oriaz". Azaldu duenez, jardura doakoa da eta horretan parte hartu nahi dutenek ez dute izenik eman behar. "Librea da erabat: etor zaitez nahi duzuean,



Herritarren ibilaldia Euskotren geltokian hasi eta Okendo plazan bukatuko da. IMPACT HUB

joan zaitez nahi duzuean, eta hitz egin ezazu nahi duzunari buruz". Aspek adierazi duenez, helburuetako da "goiz atsegin bat" igarotzea partaide guztiek, gure herriari buruz ikasi bitartean. "Jardura ludikoa izateaz gain,

uste dut herritarrek parte hartzeko tresna bat dela".

Euskotrenetik, Okendoraino

Impact Hub kooperatibako kideak zehaztu duenez, hamabost mugarriko ibilbidea prestatu dute,

Danok Kide elkartearekin batera. Ereku hauek denak ezagutzeko aurreikusitakoak dira: Euskotren geltokia, Michelin, Hipodromo zubia, Ama Brigitarren komentua, ibaiertza, Zumburu parkea, autopista azpiko bidea, Karmengo kapera, Txartel hotela, San Francisco eta Plazaola bideak, Sasoeta, Green plaza, Froilan Elespe parke botanikoa, Mirentxu, Tximistarreta parkea, Kale Nagusia eta Okendo plaza.

Hori guztia, printzipioz behintzat, lau ordutan. "Ibilbide zehatz bat proposatu dugun arren, herritarren batek beste eremu edo guneren batean berri ematen badigu, hara joango gara", aurreratu du Aspek. "Behin eta berriro esango dut: interesgarriena da partaideek beraiek kontatzea haien bizipen eta istorioak". Arkitektoak onartu du ikus-entzuleak "zirikatzea" gustatzen zaiola: "Guneak buruzko galdera eta proposamenak egiten dizkiet, haiek zer pentsatzen duten jakiteko".

Jane Jacobs

Hirigile estatubatuar-kanadiar bat izan zen Jane Jacobs (Pensilvania, AEBak, 1916-Toronto, Kanada, 2006). Hura zendu eta urte pare batera, lagun izan zituenak ibilaldiak antolatzen hasi ziren, Jacobs gogoratu eta hark aldarrikatutako kontzeptuak (hirigintzari lotutakoak, batez ere) lau haizetara zabaltzeko. Ipar Amerikan hasi zena azkar zabaltzen mundu osora, baita

Euskal Herrira ere. Azken urteetan Impact Hub arduratzen ari dira txango horiek egiteaz, Jacobsen filosofian oinarrituta: herrien historia eta ezaugarriak buruz gogoeta egitea, hirigintzaren ikuspuntu kritiko batetik. Donostiako auzo ugarietan aurrera eman dituzte jarduerak, bertatik ateratzea erabaki zuten arte: Pasaian izan ziren iaz, eta Lasarte-Oriara etorriko dira bihar.

Bidelagun izateko prest

Lehen aipatu bezala, Lasarte-Oriako ibilaldia Danok Kiderekin batera prestatu dute Impact Hubeko lagunek. "Saiatzeko gara herriaren herriko elkartearen atea jotzen, haien bizilekuari buruz dakiten guztia kontatu diezaguten". Horrez gain, Aspek azpimarratu du "izugarri" gustatuko litzaikeela Lasarte-Oriako eragileren batek bere paseo propioa antolatzea, egokien ikusten duten perspektibatik: feminismoa, ekologia, soziologia, geologia, eta abar. "Bidelagun izateko prest gaude".

Aspek lasarteoriatarak animatu ditu biharoko hitzordura bertaratu eta Lasarte-Oriari buruzko ikuspegia ematera.

ASPE: "NAHI DUZUEAN ETORRI ETA JOAN, ETA HITZ EGIN EZAZU NAHI DUZUNARI BURUZ"

Arkaitzerrekara joango dira, bertako egoera ezagutzera

Lasarte-Orian Aire Garbia plataformak ekimenarekin bat egin du eta herritarrek gonbidatu ditu parte hartzera

Txintxarri

Erraustegiaren Aurkako Mugimenduak antolatuta, Usurbildik nahiz Zubietatik zutabe bana joango da Arkaitzerrekara bihar, larunbata, hilak 12, errioren egoera zein den ikustera. Lasarte-Orian Aire Garbia plataformak dei egin die herritarrei zubietarren zutabearekin bat egiteko. 10:30ean abiatuko dira, Zubietako plazatik.

Erraustegiaren azpitik igarotzen da Arkaitzerreka. Azpiegitura horrek isurtzen dituen jarioen ondorioz (amonioa eta kloruroak,

besteak beste), 2020ko maiatzean hainbat arrain eta aingiria hilik azaldu ziren errioren uretan, eta aurtengo uztailetik "apartsu eta gorritsu" dagoela jakinarazi du Usurbilgo Noaua aldiakariak. Gipuzkoako Fiskaltzak ikerketa bat ireki zuen uztailearen 14an erreka horretan gertatzen dena argitzeko, GuraSOS plataformak adierazi zuenez. Orduko horretan, Gipuzkoako Hondakinen Kontsultazioak (GHK) gezurtatu egin zuen erraustegitik isuritakoek Arkaitzerreka kutsatu izana.



2020ko maiatzean animalia ugari azaldu ziren hilik Arkaitzerrekan. NOAUA

Erreka horretan gertatutakoa oraindik argitu ez denean, Noaua-k berak urriaren 28an aurreratu zuenez, GHK-k baimena eskatu dio Ura agentziari ponpaketa sistema bat eraikitzeko Arkaitzerrekan,

erraustegitik jaisten diren urak saneamendu sistemarekin konektatzeko. GuraSOSek salatu du Monpaseko hustubidetik irtengo lirakeela ur horiek, Donostiako Zurriola hondartzaren ingurura, "dioxina

eta beste osagai kutsakorren arazketarik gabe, Loiolako Hondakin Uren Araztegiaren (HUA) ezarritako sistema ez delako egokia hori egiteko".

Manifestazio bat Donostian

Arkaitzerrekan eta oro har erraustegiak eragindako egoera guztiak salatuz, GuraSOSek manifestazio bat antolatu du hilaren 27an, igandean, Donostian, 12:00etan. *Orain bai, gelditu! Diálogo, solución* lelopean, Kursoaletik abiatuko dira manifestariak, eta Zurriola hondartza parera joango dira. Egunotan eragile zein norbanako ugariaren babesa jasotzen ari da ekintza hori. Aire Garbiak ere atxikimendua adierazi dio, eta lasarteoriatarak animatu ditu bertan parte hartzera.

Gozatu bitartean, kontzientzia eragiteko

Jarduera ugari prestatu ditu Lasarte-Oriako Udalak, hilaren 25eko Emakumeen Aurkako Indarkeriaren Kontrako Eguna harira. Egitaraua hilaren 12tik abenduaren 1era bitartekoa izango da, "adin tarte guztietako herritarrentzat" prestatutakoa

Txintxarri

Udaleko Berdintasun teknikari Irati Olaetxea, Agustin Valdivia alkatea eta Emakumeen Zentroko teknikari Maite Iglesias arduratu dira Azaroaren 25erako prestatutako jardueren nondik norakoak emateaz. Valdiviak nabarmendu du udalak "gorriz markatuta" izan ohi duela egutegian egun hori, "beharrezkoa" delako "herritar guztien artean indarkeria mota horren aurka borrokatzea".

Horretarako, jarduerak ugari prestatu dituzte. Alboko taulan kontsulta ditzakezue gehienak, baina badaude gehiago: hilaren 29an, asteartez, berdintasuna eta irakurzaletasuna jorratuko ditu Maria Garcia Loderok, 6 eta 8 urteko zenbait haurrekin batera, 17:30ean, hitzaldi aretoan. Egun berean, DBH 3. eta 4. mailako ikasleek *Lilithen aroak* antzezlan ikusiko dute, kultur etxeko auditorioan, 09:00etan. Azkenik, abenduaren 1ean, ostegunez,



Ezker-eskuin: Olaetxea, Valdivia eta Iglesias, egitarauaren aurkezpenean. TXINTXARRI

Sálvese quien pueda, Canal 38 antzezlanaren emanaldia egingo du Makelur konpainiak, auditorioan, 19:30ean, gaztelaniaz. Sarrerak 3 euro balio dute.

Bestalde, Hipodromo zubian *Erresperez jokatu* banderolak jarri dituzte, hilaren 31ra arte. Bidenabar, elkarretaratzearen egunean zapata gorriak jarriko

dituzte Okendo plazan, aurtengo eraiketa matxistak salatzen, eta "biribil moreak" erabiliko, Lasarte-Oria nahiz EAeko estatistiken berri emateko. Horrez gain, herritarren kexa, ideia eta iradokizunak jasoko dituzte, enparantza horretan bertan jarriko duten kutxa more baten bitartez.

Egitarauko jarduerak

Hilak 12, larunbata, 10:30-13:30 eta 14:30-17:30

- **Autodefentsa feminista tailerra.** Emakumeen Zentroan, elebitan: atal teoriko eta praktiko bana izango ditu. Emagin elkarteko kideek emango dituzte saioak. Izena emateko: 943-36 39 58, emakumezentroa@lasarte-oria.eus edo, fisikoki, zentroan bertan.

Hilak 17, osteguna, 17:30etik 20:00etara

- **Argazki eta ahalduzko tailerra.** Antonio Mercero gunean, euskaraz. Idoia Telleria argazki lasarteoriatarrek emango du ikastaroa. Izena emateko: 943-36 39 58, emakumezentroa@lasarte-oria.eus edo, fisikoki, zentroan bertan.

Hilak 23, asteazkena, 17:30ean

- **'Mujeres mayores, el impacto del machismo en sus vidas' hitzaldia.** Biyak Bat egoitzan, gaztelaniaz. ONEKA Euskal Emakume Pentsionisten Plataformaren eskutik.

Hilak 24, osteguna, 19:00etan

- **Beldur Barik lehiaketako sarien banaketa.** Kultur etxeko hitzaldi aretoan, elebitan.

Hilak 25, ostirala, 12:00etan

- **Emakumeen Aurkako Indarkeriaren Kontrako Egunean, elkarretaratzea.** Okendo plazan.

Hilak 25, ostirala, 20:00etan

- **'Luze edo motz' antzezlan.** Kultur etxeko auditorioan, euskaraz. Idoia Torregaray eta Mirari Martiarenaren eskutik. Sarrerak: 3 euro.

Hilak 26, larunbata, 17:30ean

- **'Pronoia' antzezlan.** Kultur etxeko auditorioan, gaztelaniaz. Virginia Imazen eskutik. Sarrerak: 3 euro.

Hilak 27, igandea, 19:30ean

- **'No te preocupes querida' filma.** Kultur etxeko auditorioan, gaztelaniaz. Sarrerak: 6 euro.

Oharra: TXINTXARRI-ren webgunean kontsulta dezakezue egitarau osoa.



GARI GARAIALDE

Ane Labaka, Durangon gertatzen denaren zain

Bertsolari Txapelketa Nagusiko finalurrekoetan ari da Ane Labaka lasarteoriatarra. 24 bertsolari sailkatu dira fase horretara, eta lehen itzuliko saioak jokatzen ari dira: Irunen jardun zen, beste bost bertsolariarekin batera, eta 631,5 puntu bildu zituen. Bigarren itzulira igaroko den ala ez jakiteko, Durangoko finalurrekoan gertatzen denari erreparatu beharko dio Labakak, izan ere, sailkapen orokorreko azken sei sailkatuak kanpo geratuko baitira. Bizkaiko herri horretan abestuko dutenetako batek puntu gutxiago zakuratuz gero, aurrera egingo du herritarrek.



TXINTXARRI

Ordu eta erdiko abentura

Julio Verne-ren liburu ezagunetik abiatuta, Glu Glu taldeak *Munduari itzulua 80 egunetan* antzezlan ekarri du kultur etxeko auditoriora. Aretoa bete duten familiak umorez eta musikaz betetako ikuskizunarekin bidaiari eraman dituzte, 80 minutuz, lekutik mugitu gabe: Txina, Saharako basamortua, Mosku, Ginea eta beste hainbat toki ezagutu dituzte.

Maddi Zaldua

Formol Laborategiak *Album* antzezlaren emanaldia egingo du bihar, hilak 12, Manuel Lekuona Kultur Etxeko auditorioan, 20:00etan. Intza Alkain Iburguren (Lasarte-Oria, 1995) herritarra da antzele eta sortzaileetako bat, Mikel Iburguren eta Edurne Azkaraterekin batera. Saio berezia izango da gainera Lasarte-Oriakoa; urtebete beteko baita *Album* estreinatu zutenetik.

Ikusmina mantentze aldera, ez dugu gehiegizko informaziorik zabalduko, baina aurreratu du ikusleek ez dutela hasiera, korapiloa eta amaiera duen istorio baten berri izango. Ostruka eta arrainontzi artean, *Millenial* belaunaldiaren iruditeria batean barrena bidaiatzeko aukera eskainiko die obrak.

Zer da 'Album'? Zer topatuko du ikusleak Manuel Lekuonako oholtza gainean?

Antzezlari bat da. Gazteon gaineko ikerketa bat burutu genuen, eta horri forma eszenikoa eman diogu, hori eraman dugu taulagainera. *Millenial* izenarekin ezagutzen den belaunaldiaren iruditeria bat topatuko du ikusleak; horiek bizi dituzten egoerak, kezak eta beldurrak taularatuko ditugu. Ikusleak ez du hasiera, korapiloa eta amaiera duen istorio lineal bat jasoko, baina bai argazki asko.

Hortik 'Album' izena?

Bai. Iruditeria hori erakutsiko dugunez, antzezlari izen hori eman diogu. Ziurrenik, gainera, irudi horietako batekin edo bestearekin identifikatuko da ikuslea. Bakoitzak bere bidaiaria egingo du album horretan barrena.

Gehiegizko informaziorik aurreratu gabe, esan dezakegu iruditeria horretan, bereziki bi elementuk hartzen dutela garrantzia berezia, ezta?

Bai. Antzezlanean jokatzeko dugu metafora eta sinbologia askorekin, eta hor, garrantzia berezia hartzen dute ostrukek eta arrainontziekin. Beste elementu batzuk ere badaude, baina horiek dira bereizgarrienak.

Ostrukek, kontatu nahi genuenarekin bat egiten duten ezaugarri ugari dituztela konturatu ginen, eta uste dut ikuslea identifika daitekeela animalia horrekin. Informazio

"Bakoitzak bere bidaiaria egingo du, 'Album'-en zehar"

INTZA ALKAIN IBARGUREN SORTZAILE ETA AKTOREA

Urtebeteko epean, hamaika antzokitako oholtzatan antzeztu dute 'Album'. Oraingoan, Manuel Lekuona Kultur Etxekoan emango du bere lana Formol Laborategiak, larunbatean, hilak 12. Emanaldi berezia izango da; urtebete beteko baitu, estreinatu zutenetik



Intza Alkain Iburguren herritarra da Formol Laborategiko kideetako bat, eta 'Album' antzezlaren sortzailea ere bai. TXINTXARRI

gehiagirik eman gabe, esan dezakegu hegan egin ezin duten hegaztiak direla, eta handiak eta ederrak izan arren, baldar itxura dutela. Pentsatzen da baita ere lurrean egiten dituzten habiak euren buruak ezkutatzeko egin ohi dituztela, baina hori ez da hala; arrautzak gordetzeko egiten dituzte.

"GAZTEOTAZ OHOLTZAN GUTXI HITZ EGITEN ZELA OHARTU, ETA HORTIK ABIATU GINEN"

Arrainontzia, berriz, kutxa garden bat da, eta horiez inguratuta bizi garela uste dut. Elementu hori zergatik erabiltzen dugun ere ikusiko dute.

Zergatik erabaki zenuten gai hori taularatzea?

Idea zehatzik gabe bildu ginen, duela bi urte, zerbait egiteko gogo hutsez. Edurne, Mikel eta hiruok Artedramak antolatzen dituen Aulestiko topaketetan elkartu ginen, eta bertan piztu zitzaigun zerbait sortzeko gogo. Konturatu ginen gazteotaz gutxi hitz egiten dela oholtzan, eta sentitu genuen horretaz, gutaz, aritzeko nahia, eta agertoki batetik esateko

dugunaz pentsatzen hasita erabaki genuen bide hori hartzea. Askotan definitzen gaituzte prekario eta frustrazioari intolerante gisa, bizitzan galduta gaudela entzun behar izaten dugu behin eta berriz... Baina, horren aurrean, zer dugu guk gutaz esateko? Hausnarketa horretatik abiatuta osatu dugu gure sormen lana. Jartzen zaizkigun etiketa horiek guztiak hartu, eta horiei tiraka guk esateko duguna esanaz osatu dugu *Album*.

Nolakoa izan da sortze prozesua?

Bildu eta mahai lana egin genuen lehenengo; gaia topatu eta horren inguruan zer kontatu nahi genuen

aztertu genuen. Behin hori eginda, hainbat dirulaguntza eskatu genituen, eta espazioen eskaerak ere egin genituen. Bide horretan, Tabakalerako sormen gunearen erabilera lortu genuen, eta orduan hasi ginen material eszenikoa sortzen. Horretan ari ginela, Zubi-Euskal Antzerkiaren Sortzaile Berri Laguntzen-egitasmoaren irabazleak izan ginen. Horrek bermatu digu emanaldi zirkuitu bat, hau da hainbat antzokitako *Album* eman ahal izatea. Gasteizko Udalaren beste dirulaguntza bat ere lortu genuen, eta horri esker aholkularitza bat jaso genuen. Izugarri miresten ditugun Metrokoadroka Sormen Laborategiko lagunengana jo genuen horretarako, eta sekulako babesa eman ziguten. Egiten ari ginenarekin jarraitzeko bultzada eman ziguten; oso beharrezkoa izan zen bide onetik gindoazela berresteko.

Gainera, hasieratik izan dugu garbi gure sormen lana beste gazte sortzaileekin harremanetan jarriaz egin nahi genuela, eta hala egin dugu. Besteak beste Itu Bandak sortutako testu batzuk erabili ditugu *Album* eratzeko, eta agertokiko argiteria prestatzeko, adibidez, Miriam Ubanetengana jo genuen.

Zein rol jokatu duzue sortzaile bakoitzak?

Hiruok dugu izaera sortzailea eta denak aritu gara material eszenikoa sortzen. Baina, Albumen kasuan, Edurne hartu du kanpo begirada eta lanarekiko zuzendaritzaren ardura. Horretan aritzeko gogo zuen eta Mikel eta biok aktore lanak hartu ditugu gure gain. Eta, noski, hau guztia aurrera eramateak ere eskatzen du lan administratiboa, eta hor bai, bakoitzak gure lan eta ardurak izan ditugu.

Uste dut prozesua nahiko naturala izan dela, baina lehen unetik argi izan dugu talde horizontal bat izango ginela.

Jendaurrean, beraz, Mikel eta zu ikusiko zaituztegu.

Hori da, bai, eta gurekin batera bestelako hainbat elementu ere bai; ikus-entzunezkoak esate baterako.

Nola moldatzen zarete taula gainean elkarrekin?

Oso ondo. Eszenikoki, bisualki oso ezberdinak gara. Mikel altua eta handia da, eta, ni, aldiz, txikia, eta irudi soil horrek gauza asko esaten ditu. Erraz topatu dugu elkar hasieratik, baina asko galdu

behar izan gara elkar topatzeko, eta horretarako pertsona egokiena izan da Mikel. Ez da batere erraza eszenan ezer egin gabe egotea, eta hori ere bilatu nahi izan dugu. Zer daukat esateko ezer egiten ari ez naizenean edo ezer esateko ez daukadanean?

Euskal Aktoreen Batasunak antolatzen duen Besarkada Sarietan izendatua izan zinen 'Album' lanagatik. Nola bizitu zenuen hori?

Ez genuen espero, eta pluralean diot, izendapen hori *Album*-i egin zaion aitortza txiki bat izan dela uste baitut. Hautagaien artean egon izanak esan nahi du jendea etorri dela gure lana ikustera, eta gustatu zaiola, eta horrek eman zidan poz gehien. Izendapen horrek ere berresten du egiten ari garena ongi egiten ari garela, eta bide horretan jarraitzeko bultzadaxoa ere eman digu. Sariketa horrek erakusten du sare bat badagoela, mundu horretan gabiltzanok, elkarren lanak ikustera joaten garela eta baita horiek babesteko nahi badugula. Elkarririk erekoizimendu bat egitea da.

Azpimarratu nahi dut gainera, euskarazko lanak bertan egoteak garrantzia duela niretzat.

Euskarazko lanak aipatu dituzula, zein egoera bizi du euskarazko antzerkigintzak?

Nire iritziz oso osasuntsu dago. Sormen lan asko egiten dira eta euskarazko antzerkia egiten duten talde eta konpainia asko daude. Egia da, ordea, lan hori guztia ez dela ikusten. Hori da

"EUSKARAZKO ANTZERKIGINTZA OSASUNTSU DAGOELA USTE DUT; SORMEN LAN UGARI DAGO"



Mikel Ibarburen (ezkerrean), eta Edurne Azkaratekin (erdian) batera sortu du Intza Alkainek (eskuinean) Formol Laborategia eta, horren barruan, 'Album' antzezlan. BIDEOLAN

betiko arazoa. Programatzen dena ikustea besterik ez dago.

Euskal Herrian gaztelaniazko sormen lan gutxiago eratzten dira euskarazkoak baino, eta hala eta guztiz ere, oholtez ez dute errealitate hori islatzen. Denok izan dezakegu lekua. Oreka bilatzea da kontua.

Kulturaren artean egiten den inbertsio eskasa ere ezin dugu aipatu gabe utzi; gehiago inbertituko balitz eta aukera gehiago emango balitzaizkio, egoera ezberdin batean geundek.

Larunbateko emanaldia, gainera, arrazoi bikoitzagatik izango da berezia. Batetik zure herrian oholtzaratuko duzulako 'Album', baina baita ere urtebete beteko delako lan hori estreinatu zenuenetik.

Bai hori da. *Album*-en urtebetetzea eguna izango da, eta aitzakia hori baliatuko dugu emanaldi ostean ospakizun txiki bat egiteko. Kultur etxeko kafetegian izango da, luntx txiki bat prestatuko dugu, eta bertaratzen diren ikusle guztiak daude horra gonbidatuta.

Eta etorkizunari nola begiratzen diozue? Gazteak antzokietara erakartzeko helburuarekin ere sortu zineten. Bide beretik jarraitzeko asmoa duzue?

Hori zen gure erronketako bat, eta uste dut lortzen ari garela. Ikusle askok esan digu gazte pila datozela gure emanaldietara, eta, hori gure helburuetako bat lortzen ari garen seinale da. Guk ere badugu irudipen hori, eta alde horretatik oso pozik gaude. Topatu dugu antzokietara joateko ohiturarik ez duen

jendea, eta esan izan digute aspaldi antzoki batera ez joanagatik, oso ondo pasa dutela. Gazteak erakartzeaz gain, gozaraztea da xede; horrelako espazioetan ere ondo pasa daitekeela aldarrikatu nahi baitugu.

"BESARKADA SARIETAKO IZENDAPENA, 'ALBUM'-I EGIN ZAION AITORTZA BAT DA"

"Konturatu naiz hobeto dela akatsekin hitz egitea, ez erabiltzea baino".

Aitor Revidiego

HITZETZ EKITEKO GARAIA

EMAN IZENAI
euskaraldia.eus



2022ko AZAROAREN 18tik
ABENDUAREN 2ra

eta ekin!



azaroaren 18tik abenduaren 2ra

EUSKARALDIA

sentitu  prestatu... 

Azaroaren 18tik abenduaren 2ra, Euskal Herri osoan Euskaraldia ospatuko da, Lasarte-Orian ere bai. Behin motibazioa landuta eta gure burua prestatuta, euskaraz hitz egiteari ekiteko garaia izango da!

Motibazio-kolpea jaso eta hizkuntza-ohiturak aldatzeko prestatu ondoren, martxan jartzeko garaia da! Azaroaren 18tik abenduaren 2ra Euskaraldiaren 3. edizioa ospatuko da Euskal Herri osoan, eta Lasarte-Orian ere bai.

15 egunetako ariketa sozial honetan, herritarrek ahobizi eta belarriprest rolak jokatuko dituzte, eta entitateek, berriz, ariguneak aktibatuko dituzte, euskaraz eroso aritzeko espazioak. Hala, erresistentziak alde batera utziz, gure konfort-eremutik atera eta kolektiboki hizkuntza-ohiturak aldatzeko ariketa egingo dugu.



TXAPA JASO

Noiz?

Asteazkena 16 10:00-13:00 eta 16:00-20:00

Osteguna 17 10:00-13:00 eta 16:00-20:00

Non?

Okendo plazan



HASIERA EKITALDIA EUSKARALDIA

Data: 2022-11-18

Ordua: 19:00-20:00

Lekua: Manuel Lekuona Kultur Etxean

Txapa jartze kolektiboa egingo dugu! Ekarri zure txapa





Ongi begiratu postontzian, esku artean duzun aldizkariarekin batera *Eta ekin!* fasearen kartela jasoko baituzu, *Sentitu* eta *Prestatu*-ren afixen ondoan jartzeko. Ez kezkatu eguraldiagatik, iragazgaitza baita papera! Lagun gaitzazu herria girotzen!



HARTU 'ERNASA', ETA EKIN! SALDA BADAGO!

Egunotan Antonio Mercero guneko "tenplura" bertaratu diren herritarrek aholku bikainak jaso dituzte Euskaraldiari ekiteko, Bea Egizabal eta Intza Alkain guruzaleen eskutik. Umoretik, hilaren 18an hasiko den hizkuntza ohiturak aldatzeko ariketa sozialari buruzko saioak eman dituzte. Ikus-entzuleak barrez lehertzen jartzearekin batera, norberaren baitan dagoen euskara azaleratzen lagundu diete, barnetik kanpora ateratzeko ariketa batekin.

Ahobizi eta belarriprestok, ariguneetako kideok, euskotxitok, gogoratu: hartu 'ernasa' (euskararen arnasa), eta ekin! Salda badago!



Buruntzaldea IKTko kideak, helburuak betetzen

Buruntzaldea IKTko infantil, junior eta absolutu mailako igerilariak Neguko Ligako bigarren jardunaldiari egin diote aurre, Maialen Chourraut kiroldegian. Infantil mailako igerilarietako batzuk txapelketetarako 'giltzak' eskuratu dituzte

Txintxarri

Maialen Chourraut kiroldegiko igerilekuak Neguko Ligako bigarren saioa hartu zuen, hilaren 5ean. Buruntzaldea IKTko kideek jardunaldia antolatzeaz gain, infantil, junior eta absolutu mailako probetan lehiatu ziren. Igeriketa taldeko hamahiru gaztek parte hartu zuten eta gehienek euren helburua lortu zuten; guztien artean, hamabost marka pertsonal ondu zituzten (ikus ondoko koadroa).

Taldeko prestatzaileek azaldutakoaren arabera, Gipuzkoako Neguko Txapelketarako balagarriak diren gutxienekoak egiteko gai direla erakutsi dute infantil kategoriako igerilariak: "Gutxienekoak oraindik ez dira ofizialak baina maila horietan, *giltza* izenez ezagutzen ditugun gutxienekoak egin behar dituzte Gipuzkoako zein Euskal Herriko neguko txapelketetan parte hartzeko". Ondorioz, Mayi



Neguko Ligako bigarren jardunaldiako probetako bat. TXINTXARRI

Gorostegui, Nora Miguelezek eta Amaur Iparragirrek 400 m. lau estilo probetan egindako markak "seguruenik" Gipuzkoako Neguko Txapelketarako txartela eman dietela aurreratu dute taldeko ordezkariak.

Junior eta absolutuen kasuan, forma fisiko egokira iristea zailagoa izaten dela jakitera

eman dute kirol elkarteko prestatzaileek. Horregatik, maila horretako igerilari batzuk marka pertsonalik lortu ez bazuten ere, helburua gaintzeko gertu izan zirela nabarmendu dute Buruntzaldea IKTko kideek, esate baterako, Unai Somovilla 50 m. tximeleta proban, Saioa Elola eta Alba Escribano estilo

Hobetutako markak

- **Nora Miguelez**
400 m. lau estilo, 07.07,04
200 m. libre, 02.59,99
- **Amaur Iparragirre**
400 m. lau estilo, 07.06,94
- **Ane Meyer**
100 m. lau estilo, 01.44,97
200 m. libre, 03.00,91
- **Maddi Gorostegui**
400 m. lau estilo, 06.36,66
50 m. tximeleta, 39,94
100 m. tximeleta, 01.41,12
- **Irati Etxeberria**
50 m. libre, 32,80
200 m. libre, 02:42,83
- **Miren Sarobe**
100 m. bizkar, 01.18,81
- **June Lopez**
50 m. tximeleta, 35,41
- **Iker Gorostegui**
50 m. libre, 27,56
100 m. bizkar, 01.12,25
- **Unai G. Somovilla**
50 m. libre, 26,94

libreko 200 m. saioan, eta Garazi Etxeberria 100 m. bular seriean.

Igerilariak prestakuntzarekin aurrera jarraituko dute, "emaitza hobekia lortzeko helburuarekin". Hurrengo hitzordua hilaren 26an dute Andoaingo Allurralde igerilekuan.

Azkenik, Buruntzaldea IKTk eskerrak eman nahi dizkie jardunaldi hori aurrera eraman ahal izateko laguntzaile lanetan egon ziren guztiei.

CRISTINA BORRAS PATINATZAILA GARAILEA

Txintxarri
Esperientzia oso ona izan da, beti bezala, Lasarte-Oriara etortzea plazera da. Anfitrioi ederrak dira Ostadar Ipar Martxa taldeko kideak.
Krosaren parte hartzen dudana bigarren aldia da. Pandemia aurrekoa izan zen lehena eta berriz ere hona



Akatsak zuzentzen

Hilaren 4an, Lasarte-Oria Bai! 25. Kros osteko zerbaki berezia argitaratu genuen. Besteak beste, modalitate bakoitzeko garaileei egindako elkarriketa sorta eskaini genuen 2. eta 3. orrialdeetan.

Horieta lehenean, Gironako Nordic Walking taldeko prestatzailea den Cristina Borrás-en hitzak jasotzen ziren eta patinatzaileen garaile modura agertzen zen izendatua. Akatsa da; Borrás Ipar Martxa probako garailea izan da bigarren aldiz jarraian.

Era berean, 15. orrialdean kontsulta ahal zen kirol agenda atalean okerreko informazioa eskaini genuen. Saskibaloiko Junior Errendimendu Zilar eta Junior Partaidetza mailetak neurketak gurtzatuak zeuden.

ASTEBURUKO HITZORDUAK

FUTBOLA
OHOREZKO ERREGIONAL MAILA
Ostadar SKT - Amaiak Bat Nutriku KE Larunbata. 17:20. Michelin kirol gunean.
GORENGOEN MAILA
Ostadar SKT - Roteta CD Igandea. 19:15. Michelin kirol gunean.
ERREGIONAL 1. MAILA
Ostadar SKT - Texas Lasartearra CF Larunbata. 19:15. Michelin kirol gunean.
OHOREZKO JUBENIL MAILA
Añorga KKE B - Ostadar SKT Larunbata. 18:30. Rezola, Donostian.
JUBENIL 1. MAILA
Ostadar SKT B - Danena C Larunbata. 15:30. Michelin kirol gunean.
Lazkao KE B - Ostadar SKT C Larunbata. 17:30. Arizti Handi, Lazkaon.
OHOREZKO KADETE MAILA
Beti Ona CD - Ostadar SKT Larunbata. 11:15. Beraun, Errenterian.
KADETE 1. MAILA
Ostadar SKT C - Sporting de Herrera Larunbata. 12:20. Michelin kirol gunean.
Arrupe Chaminade CD C - Ostadar SKT B Larunbata. 12:20. Felix Garin, Donostian.
Kostkas KE E - Texas Lasartearra CF Larunbata. 13:00. Matigoxotegi, Donostian.

OHOREZKO INFANTIL MAILA
Ostadar SKT - Euskalduna SD Igandea. 17:40. Michelin kirol gunean.
INFANTIL TXIKI, 2. FASEA
Aizkorri Goierri FT - Ostadar SKT Larunbata. 09:30. Alustiza, Seguran.
INFANTIL 1. MAILA
Ostadar SKT A - Texas Lasartearra CF Larunbata. 10:45. Michelin kirol gunean.
Intxurre KKE - Ostadar SKT B Larunbata. 11:00. Elorri, Alegin.
INFANTIL F8
Ostadar SKT - Arrupe Chaminade CD B Larunbata. 14:05. Michelin kirol gunean.
ARETO-FUTBOLA
1. MAILA
Eguzki Arkupe Rehab. - Oiartzun KE Ostirala. 20:50. Maialen Chourraut kirol.
2. MAILA
AF. Antxo Pesc. Ferreres - Eguzki ISU Lehoak Ostirala. 21:45. Pasai Donibane kirol., Pasaiain.
GAZTEEN MAILA
Antigua Luberrri KE - Eguzki Bodegas Ayesa Larunbata. 13:20. Bidebieta kirol., Donostian.
INFANTIL MAILA
Herrikide - Eguzki AF Igandea. 11:00. Eskulapioak ikas., Tolosan.

SASKIBALOIA
SENIOR 1. MAILA
Ostadar SKT - Easo Basket Larunbata. 18:00. Maialen Chourraut kirol.
SENIOR 3. MAILA
Ostadar SKT - Druck Hoops Larunbata. 14:00. Maialen Chourraut kirol.
JUNIOR ERRENDIMENDU ZILARRA
Ostadar SKT - Antigua Luberrri KE Larunbata. 16:00. Maialen Chourraut kirol.
JUNIOR PARTAIDETZA
Ostadar SKT - Eibar Saskibaloia Junior Larunbata. 11:15. Maialen Chourraut kirol.
KADETE ERRENDIMENDU ZILARRA
BKL Pagoeta - Ostadar SKT Igandea. 09:45. Antzizar kirol., Beasainen.
KADETE PARTAIDETZA
Ostadar SKT - Astigarragako Mundarro Larunbata. 09:30. Maialen Chourraut kirol.
INFANTIL ERRENDIMENDU URREA
Easo Basket Mendiola - Ostadar SKT Larunbata. 16:00. Altza kirol., Donostian.
INFANTIL ERRENDIMENDU ZILARRA
TAKE Urbinox - Ostadar SKT Urdina Larunbata. 09:00. Usabal kirol., Tolosan.

INFANTIL PARTAIDETZA
Ostadar SKT Beltza - Antigua Luberrri KE Larunbata. 11:15. Maialen Chourraut kirol.
PILOTA
ESKUZ BINAKA, JUBENIL 2. MAILA
Intza - Gazteleku Larunbata. 16:15 (2. partida). Michelin kirol guneko pilotalekua.
ESKUZ BANAKA, ALEBIN 1. MAILA
Intza (Jauregi) - Txapagain Larunbata. 16:15 (1. partida). Michelin kirol guneko pilotalekua.
LAPKE - Intza (Huizi) Ostirala. 18:00. Enparantza, Lazkaon.
ESKUZ BANAKA, ALEBIN 2. MAILA
Ziotza - Intza (Maiz) Larunbata. 18:15. Intxaur pil., Zizurkilen.
BOLEIBOLA
EUSKAL MAILA, SENIOR
Ojaconecta Univ. de La Rioja - Ostadar SKT Larunbata. 18:30. Unibertsitateko kirol., Logroño, Errioxan.
EUSKAL MAILA, 2. SENIORRA
Navarvoley Fercor Serigrafias - Ostadar SKT Igandea. 11:30. Berriozar kirol., Iruñea, Nafarroan.

KADETEA
Aldapeta Maria C - Ostadar SKT B Larunbata. 10:30. Aldapeta Maria ik., Donostian.
Aldapeta Maria A - Ostadar SKT A Larunbata. 10:30. Aldapeta Maria ik., Donostian.
INFANTILA
Arizmendi - Ostadar SKT A Larunbata. 10:45. Ibarrako kiroldegian.
La Asunción - Ostadar SKT B Larunbata. 11:00. La Asunción ik., Donostian.
ERRUGBIA
16 URTEZ AZPIKOA
Cumenor Elorrio RT - Gesalaga Okelan Zarautz Beltzak KE Larunbata. 13:00. Elorrio, Bizkaian.
10 ETA 12 URTEZ AZPIKOA
Errugbi eskolen topaketa izango da. Beltzak RT, Zarautz RT, Txingudi RT, Iruñea RT eta Eibar RTko taldeak bilduko dira. Igandea. 10:00. Michelin kirol gunean.
LASTERKETA
BEHOBIA-DONOSTIA
Herriko lasterkeriek Behobia-Donostia lasterketan parte hartuko dute. Igandea. 10:00. Behobia-Donostia.



Ostadar Atletismo saileko kategoria ezberdinetako kideak, Michelin kirol guneko atletismo pistan. TXINTXARRI/A. ANDRES

Atleten harrobia hazten ari da Lasarte-Orian

Ostadar Atletismo saila proba eta txapelketa denboraldirako prestatzen ari da. Aurten eskolarteko mailatan atleta ugari izango ditu lehian. Kategoriaren arabera, Gipuzkoako, Euskadiko zein Espainiako txapelketetako gutxieneoak dituzte jomuga

Txintxarri

Lasarte-Oria Bai Kros Herrikoien barruko Korrika Festak gure herrian korrikalari harrobia dagoela argi utzi zuen. Kadete mailatik hasi eta 2017 urtean jaiotako haurretaraino ia 800 parte hartzailek hartu zituzten herriko erdiguneko kaleak. Horrelako lasterketak gero eta ugariagoak dira eta harrera ona dute. Partaide kopuruetan gora doaz eta errepidean bezala, azken urteetan Ostadar Atletismo saileko kideek

joera hori Michelingo kirol guneko atletismo pistan antzematen ari dira. Egun, federatu eta eskolarteko mailako ehun bat atleta daude Amaia Andresen eta Oscar Goikoetxearen gidaritzapean.

Harrobian edo adin txikiko kategorietan dago kide kopururik handiena. Benjamin mailan 23 gaztetxo daude, alebinak hemezortzi dira eta infantiletan 30eko taldea dute.

Amaia Andres eskolako arduradunak azaldu duenez,

"aurtengoa urte hobereena da harrobiari dagokionez. Maila ezberdinetan talde polita dugu. Eta gainera, txiki askok egin dute bat taldearekin".

Atletismoaren nondik norakoak ezagutu eta ikasturte amaieran hainbat proba egiteko aukera dute txikienek.

Eskolarteko mailan, alebin eta infantilek, esate baterako, lehen faseko topaketak egiten ari direla jakitera eman du Ostadar Atletismo saileko arduradunak. "Donostialdeko eskoletako

Adin txikikoak, ederki krosean

Donostiako 66. Nazioarteko krosa jokatu zen hilaren 6an, Hipodromoan. Nazioarteko korrikalariak eta bertakoak lehia izan ziren maila gorenetan. Federatuak ez diren kategorietako haur eta gaztetxoek ere izan zituzten euren lasterketak eta bertan parte hartu zuten Ostadar SKTren atletek.

Orain arteko ordezkariarik handiena aurkeztu zuen proba Lasarte-Oriako taldeak: infantil bat, lau alebin eta hamabost benjamin.

Ederki egin zuten lasterka guztiek Hipodromoko pistan, eta azken kategoria horretan lehen postuetan izan ziren Mirian Gallego eta Unai Ruano gaztetxoak; biak bigarren sailkatu ziren. Alebin mailan, aldiz, Mirianen ahizpa Irati bederatzigarren izan zen.

Ostadarreko arduradunak pozarren agertu dira gaztetxoek proban egindako lanarekin.

Maila altuago batean ere, 20 urtez azpiko kategorian, Lasarte-Oriako bi atleta lehiatu ziren: Zumeatarra taldeko Aimar Sukunza eta Unai G. Somovilla. Sukunza lehen hamarren artean iritsi zen helmugara. Zehazki bederatzigarren izan zen, 19.04ko denbora eginez. Unai G. Somovillak, aldiz, 19.42 egin zuen.



Unai Ruano (atzean), helmugara iristen. TXEMA VALLES

taldetako kideek parte hartzen dute proba ezberdinetan eta horietan Gipuzkoako txapelketarako gutxieneoak lortzeko aukerak dituzte gaztetxoek", azaldu du Andresek.

Txapelketak

Bestalde, adina igo ahala atleta kopurua murrizten doala nabarmendu du. Maila horietan euren trebetasunak findu eta proba zehatzak prestatzeko egiten dute lan kirolariak. Federazioak antolatzen dituen proba libreetan lehiatu eta Gipuzkoako nahiz Euskadiko txapelketetarako gutxieneoak buruan izaten dituztela aipatu

du talde urdin-beltzeko prestatzaileak.

Alabaina, Andresek azpimarratu duenez, badaude bisalbespen, Naroa Furundarena eta Maider Rekondo; bi atletek Espainiako txapelketa dute jomuga.

Aurreko denboraldian Ostadarreko bi kideek lortu zuten helburua senior kategoriako aire librean; Furundarenak, gainera, pistakoan ere parte hartu zuen eta bietan lehen postuetan izan zen. Gainera, 23 urtez azpiko mailan aire libreko zein pistako podiumera igo zen jauzi hirukoitzeko proban; bietan zilarrezko domina jantzi zuen.

136 herritar, Behobia-Donostian

Lokatzetatik errepidera. Kroseko zaletuek Donostiako Nazioarteko krosaz gozatu ahal izan badute, hilaren 13an gure eremuko errepideko proba kuttunaren txanda izango da, Behobia-Donostia lasterketarena.

57. aldía da Donostiako Fortuna taldeak proba antolatzen duena. Aurten parte hartzaile kopurua mugatu dute antolatzaileek eta 30.000 bat kirolari izango dira ibilbidean barrena korrika, patinetan edo gurgildun aulkian.

Lasarte-Oriako 136 herritar izango dira irteera puntuan, antolatzaileek eskaintako datuen arabera. Horien artean, ez da Raul Gomez Margallo izango, entrenamendu batean izterrean min hartu du eta. Valentziako Maratoirako osatua egotea espero du herritarrek. Beraz, Jon Presa, Gorka Gil edo Maite Salazar izango dira jarraitu beharreko herritarretako batzuk.

09:30ean hasiko da lasterketa. Gurgildun aulkiko partaideak izango dira Behobiako irteera



Bulebarreko helmugako irudia. TXINTXARRI

puntutik ateratzen lehenak. Patinatzaileek bost minutu gehiago itxaron beharko dituzte marxan jartzeko eta lehen korrikalariak 10:00etan dute hitzordua. Azken horiek, dortsalaren kolorearen arabera ekingo diote lehiari. Hemenetzi multzo ezberdin izango dira eta azkeneko taldeak 11:30ean igaroko du irteera arkua.

Hoge kilometrotako bidea izango dute Donostiako Bulebarrean kokatzen den helmugaraino eta zaletuen txalok eta animo oihuek aurrera egiten lagunduko diete ibilbideko puntu ugarian.

Judokak, txapelketa ezberdinetako podiumetan

LOKE Judo saileko kideek txapelketa denboraldiko hainbat proba garrantzitsuri aurre egin diete urrian eta azaroan. Senior kategoriako Gipuzkoako zein Euskadiko lehiaketetan parte hartu dute eta bietan podiumean izan dira herriko ordezkariak

Txintxarri

Lasarte-Oria Kirol Elkarteko (LOKE) judokak txapelketaz txapelketa izan dira azken asteetan. Senior mailako Gipuzkoako zein Euskadiko txapelketak eta kadete kategoriako Espainiako Kopa izan dira horietako batzuk, eta podiumera ere igo dira Gorka Aristegik entrenatutako kirolariak.

Hilaren 5ean, Euskadiko txapelketa lehiatu zen Hernaniko kiroldegian. Herriko taldeko bi ordezkariak parte hartu zuten, Asier Sagastik eta Haritz Urdangarinak eta lehen postuetan izan ziren biak.

Sagastik 100 kilo baino gutxiagoko lehiaketa zilarrezko domina jantzi zuen lau borroketatik hiru irabazi ostean.

Urdangarin, aldiz, 90 kilo baino gutxiagoko pisuan hirugarren postua eskuratzeko borrokan aritu zen. Aurretik zazpi norgehiagokari aurre egin zizkien herritarrek. "Bere txapelketa eta progresioa izugarria izan da", adierazi du Gorka Aristegi LOKEko entrenatzaileak.

Euskadiko Txapelketan garaikurrik lortu ez duen arren, urriaren 15ean, Urdangarin Gipuzkoako txapelketako podiumean egon zen; brontzezko domina eskuratu zuen.



Asier Sagasti (ezkerrean), Euskadiko txapelketako podiumean. EUSKAL JUDO FEDERAZIOA

Lucas Morales taldekidea ere jardun zen lurraldeko lehiaketan eta hirugarren postua lortzetik gertu izan zen. Azken borrokan ezin izan zuen aurkaria gainditu, ordea; bosgarren sailkatu zen Morales.

Ez ziren proba horretan parte hartu zuten herritar bakarrak izan. Usurbil judo taldeko Talib Vergarak 60 kilo azpiko mailan parte hartu eta brontzezko domina jantzi zuen.

Kadete Kopa

Seniorrez gain, kadete kategoriako judoek ere lehia

hasi dute. Urriaren 8an eta 9an, esate baterako, Espainiako Kopako jardunaldia izan zen Suancesen (Kantabria). LOKEko Iker Izquierdo (60 kiloz azpiko maila), Aitor Santos eta Tarieli Tato Kevlisbvili (73 kiloz azpiko kategoria) judokak izan ziren bertan. Judoka gazteek lehiaketa ona egin eta esperientzia eskuratu zuten beste probei begira.

Eta ez da guztia lehia izan. Euskal Judo Federazioak urrian zehar antolatutako entrenamenduetan ere izan dira lanean herriko taldeko hainbat judoka.

Kadete B taldeak eman zion hasiera hilaren 5eko neurketei; Arizmendi D izan zuen aurrez aurre. Lehen zatia 25-9 irabazi zuten etxekoek eta partidaren nagusi izango zirela zirudien. Bigarren (25-21) eta hirugarren (25-20) setean ederki borrokatu behar izan zuten, ordea, garaipena eskuratzeko. Jarraian, kadete A taldearen txanda izan zen eta horrek ere ez zuen huts egin. Fortuna leko jokalariei 3-0 (25-17, 25-12 eta 25-23) irabazi zieten.

Euskal Ligako 2. mailako taldeak eguna biribildu ahal izan zuten

euren jarraitzaileen aurrean. Tamalez, Euskal Ligako taldeek ezin izan zituzten garaipeneko puntuak eskuratu. Jubenilek eta infantilek, aldiz, kanpoan jokatu zuten eta hirutik bik mendean hartu zituzten aurkariak.

Boleibol taldeek garaipena erdietsi dute Gipuzkoako Ligan

Ostadar Boleibola saileko taldeek ederki borrokatu arren, seniorrek eta infantil Bk ezin izan dute aurkaria gainditu

Txintxarri

Maialen Chourraut kiroldegian boleibol kategoria ezberdinetako partidak ikusteko aukera izan zuten zaletuek hilaren 5ean eta 6an. Euskal Ligatik kadeteetara, Ostadarreko taldeek euren onena eman zuten

zuen Donostiako Aldapeta Maria ikastetxean. A taldeak, lehen bi setak ederki borrokatu (25-19 eta 25-22) zituen. Hirugarrenean, aldiz, errazago izan zuen garaipena lortzeko (25-12). Bko kideek ere Aldapeta Mariaren aurka zuten neurketa eta ez zuten zorte bera izan; 0-3 (7-25, 12-25, 4-25).

Hondarribian izan zuten lehia jubenilek. Harresi 1en aurkako partida galtzen hasi eta neurketari itzulia eman zioten gazteek; 1-3 (25-17, 16-25, 14-25 eta 23-25) amaitu zen norgehiagoka.



Kadete Errendimendu Zilar mailako neurketako irudia. TXINTXARRI

Bigarren laurdeneko lanak garaipena eman dio Ostadarri

Ostadar Saskibaloia ataleko kadete errendimendu zilar taldeak Goizper Group 56-39 menderatu du

Txintxarri

Ostadar SKTren Kadete Errendimendu Zilar taldeak garaipena eskuratu zuen hilaren 5ean, Maialen Chourraut kiroldegian. Endika Marrahik zuzenduta, Goizper Group taldea 56-39 garaitu zuten urdin-beltzek. Bigarren laurdenean izan zen partidaren gakoa.

Bi taldeak gogotsu atera ziren kantzara. Alabaina, Ostadarrek minutu batzuk behar izan zituen kokatzeko. Horiak baliatuz Bergarako taldeak ireki zuen markagailua. Lehenik biko saskiratze bat egin zuen eta ostean, hirukoa.

Egoerak hauspotuta etxeko jokariak suspertu eta erantzun ederra eman zuten. Defentsa gogortu eta Goizperren aukerak murriztu zituzten urdin-beltzek. Erasoan, aldiz, baloia mugitu eta erraz iritsi ziren saskira. Ondorioz, markagailuari itzulia eman eta lau puntuko aldea irekitzea lortu zuten; 17-13

amaitu ziren lehen hamar minutuak.

Bigarren laurdena erabakigarria izan zen. Etxekoek lan ederra egin zuten bai erasoan baita defentsan ere eta bergararrak menderatu zituzten. Ostadarrek hemeretzi puntu eskuratu zituen; Goizperrek, aldiz, puntu bakarra egin zuen.

Atsedenean ostean, indarrak berdindu ziren. Bi saskietan baloia bata bestearen atzetik sartzen joan ziren eta horren erakusle izan ziren hirugarren eta laugarren partzialeko emaitzak, 10-14 eta 10-9.

Era horretara, kadeteek denboraldiko seigarren garaipena erdietsi zuten. Senior mailako taldeko kideak ere pozarren daude. Sasi Axularren aurkako neurketa nagusitasunez irabazi zuten, 21-74, eta oraindik ez dute partidarik galdu ligan. Gainerako kategorietan Ostadarreko ordezkariak ez zuten zortetik izan.

Jatorkideren aurka. Biak ala biak gogor jardun ziren eta aurkariak bina berdindu ostean, bosgarren seta jokatzera behartu zituen urdin-beltzak. Alabaina, 10-15 gailendu ziren gasteiztarrek.

Euskal Ligako mutilek Arizmendiren senior taldea izan zuten aurkari hilaren 6an. Kadete mailako neurketan ez bezala, ibartarrek eraman zuten saria 1-3 (7-25, 25-21, 17-25 eta 13-25) irabaziz.

Kanpoan ere fin ibili ziren Ostadarren taldeak. Infantilek, esate baterako, etxeko bezala jokatu

KOMIKIA



Urte askotarako!

Zorion itzazu urteak bete, ezkondu berri edo urteurrena bete duten lagunak eta senitartekoak, baita jaioberriak ere

Internet

- txintxarri.eus/zorionagurrak.
- Zure erabiltzailearekin sartu/ Erabiltzaileak ez baduzu izena eman.
- Bidali zure zorion agurra formularioa betez.
- Zorion agurra formularioan zehaztutako datan argitaratuko da webgunean eta ostiralean paperean.

Posta elektronikoa

- Mezua bidali txintxarri@ttakun.eus helbidera, eta idatzi: izen-abizenak, urtebetetze eguna, urteurrenaren data edo ezkontzaren data eta nahi duzun testua.

Osteguneko 16:00ak arte jasoko ditugu zorion agurak.

GUARDIAKO FARMAZIAK

OSTIRALA, 11	URBISTONDO	EGUNEKO FARMAZIAK: 09:00-22:00
LARUNBATA, 12	URBISTONDO	DE ORUE: Jaizkibel plaza 2/ 943-36 26 52
IGANDEA, 13	URBISTONDO	ACHA-ORBEA: Hipodromo et. 6/ 943-36 35 49
ASTELEHENA, 14	GANDARIAS-URIBE	DE MIGUEL: Kale Nagusia 32/ 943-37 11 51
ASTEARTEA, 15	DE ORUE	LASA: Kale Nagusia 42 atzea/ 943-36 17 74
AZTEAZKENA, 16	DE MIGUEL	GIL: Kale Nagusia 24/ 943-36 07 08
OSTEGUNA, 17	LASA	URBISTONDO: San Frantzisko 1/ 943-36 65 67
		GANDARIAS-URIBE: I. de Loyola 9/ 943-01 95 21

GAUEKO FARMAZIA: 22:00-09:00
M. Gomez Bravo: Kale Nagusia 14, Hernani. 943-55 48 92

'URTE OSOKO GUARDIAK' APLIKAZIOA eskuragarri App Store edo Android Marketen
Informazio gehiago www.cofgipuzkoa.com webgunean eskuragarri.

OHARRA

1963an jaiotako enafaria

1963 urtean jaiotako herritarrentzat kintoen afaria antolatzen ari dira, azaroaren 26rako, Escalerillas jatetxean. Menuak 45 euro balio ditu. Bertaratu nahi dutenek kontu ES96 2095 5048 10 9121982356 kontu korreonte zenbakian egin behar du ingreso bere izena jarritz. Antolatzaileek urte horretako herritarrak animatu nahi dituzte afarian parte hartzera.

Zatoz txistua jotzera

Txistularia bazara, eskola zaharrekoa zein kontserbatoriokoa, hasiberria edota txistua tiraderan ahaztuta hautsa biltzen dutenetakoa. Duzun maila duzula ere, zatoz gurekin entsaiatzera.

Adin guztietako lagunak topatuko dituzu eta giro ezin hobea. Besoak zabalik hartuko zaitugu. REMen biltzen gara asteartero 19:30etik aurrera.

Eta txistua aspaldi alboratu zenuelakoan herdoilduta zaudela uste baduzu, zaude lasai. 19:00etan etor zintezke, eta gutxinaka-gutxinaka garai bateko soltura berriro hartu. Zatoz, primeran pasatuko duzu-eta!



San Silvestre lasterketa sari babesle bila


Hasi dira San Silvestre Lasarte-Oria 2022rako prestaketa-lanak. Lasterketaren antolatzaileek SSLO2019an parte hartu zuten enpresei eskerrak eman nahi dizkie, lasterketa arrakastatsua izan zedin elkarlanean aritu zirelako.

Horren ildotik, San Silvestreren arduradunek aurten ere Lasarte-Oriako enpresa eta denda desberdinak gonbidatu nahi ditu euren produktu edo/eta sariak eskaintzera, lasterketako parte-hartzaileen artean zozketatu ahal izateko. Antolakuntza taldeak jakitera eman duenez, aipamen berezia egingo die parte hartzen duten enpresei bere komunikazio sare desberdinetan. Azaroaren 30a izango da babesle talde honetan sartzeko azken eguna.


Interesa duten komertzioek probaren web orriaren bitartez jar daitezke harremanetan antolatzaileekin: <http://www.sansilvestrelasarteoria.com/sariak>.

EGURALDIA LASARTE-ORIAN


Ostirala, 11




Larunbata, 12



Igandea, 13




Astelehena, 14




Asteartea, 15



Asteazkena, 16



Osteguna, 17



TELEFONOAK

UDALAREN TELEFONOAK:

ERREGISTROA: 943-37 16 29
EUSKARAKO ZERBITZUA: 943-37 61 84
KIROLDEGIA: 943-37 61 82
MANUEL LEKUONA KULTUR ETXEA: 943-37 61 81
GIZARTE ZERBITZUAK: 943-37 61 79
KIUB: 943-36 16 05
UDAL EUSKALTEGIA: 943-36 16 21
MUNTTERI AEK: 607 62 52 33

LARRIALDIKO TELEFONOAK:

OSASUN ZENTROA: 943-00 79 60
DYA: 943-46 46 22
GURUTZE GORRIA: 943-36 39 53
UDALTZAINAK: 943-36 24 42
ERTZAINAZA: 943-53 88 40
SOS DEIAK: 112

SUDOKUA

	3		6	1		2	4	8
1				9	4	6		
6	4		7	8		9		
	2	6	3	4		8		9
3			9	6		4		
4					7	3	6	
		4	1		9		8	
		3			6		2	4
		5	4		2		9	6

AZOKA TXIKIA

ETXEBIZITZA
PARTEKATU
Gela bat alokatzen dut Lasarte-Orian, erdialdean, partekatutako etxe batean. Harremanetarako zenbakia: 666 32 05 20.

LANA
ESKAINITZA
Etxeko lanak egiteko emakume euskalduna behar da Lasarten, goizez asteen hiru egunetan aritzeko (astelehen, asteazken eta ostiraletan). Egun bakoitzeko 2 ordu eta erdiko lana litzateke. Harremanetarako zenbakia: 609 556 338 eta 943-10 16 27.

15 urteko neska bati euskara klase partikularrak emateko pertsona bat behar da. Harremanetarako zenbakia, 631 57 15 40 (Arratsaldez deitu).

ESKARIA
Kurtsoan zehar haurrak arratsalde zaintzeko prest. Esperientzia dut. Harremanetarako zenbakia, 695 18 41 79.
Adineko pertsonak zaintzeko prest nago. Esperientzia dut eta baita paperak ere. Harremanetarako zenbakia: 627 20 61 10.
Umeak zainduko nituzke. Harremanetarako zenbakia: 695 18 41 79.

Emakume euskalduna lan bila. Orduka lan egingo nuke. Etxeko lanetan, garbiketan... Esperientzia handikoa eta profesionala garbiketan. Harremanetarako zenbakia: 673 55 62 89.

SALEROSKETA
SALDU
Su egurra saltzen da (haritza), tximinirako, ekonomikarako... Harremanetarako

zenbakia: 667 23 23 00 eta 616 83 09 02.

BESTELAKOAK
HEZKUNTZA
Unibertsitateko ikaslea errefortzu klaseak emateko zein haurrak zaintzeko prest dagoena, goizez nahiz arratsalde. Harremanetarako zenbakia, 688 65 56 93.

NABARMENDU ZURE EDUKIA

Iragarki nabarmenduak kobratuko dira soilik

TAMAINA BERRIA
Modulo txikia. 12€ (BEZ barne) publizitatea@ttakun.eus

TAMAINA BERRIA
Modulo handia. 20€ (BEZ barne) publizitatea@ttakun.eus 646 82 44 66

ESKELA

ESKELAK JARTZEKO

TEL: 943-37 14 48
edo TXINTXARRI erredakzioan

► Eskela Txintxarri paperean: **80 €**
► Eskela Txintxarri paperean + Txintxarri.eus-en: **90 €**

Txintxarri: doan eta euskaraz
Lasarte-Oriako etxe guztietan **943-37 14 48**




Manolo Urdanpilletari, oroimezkoa

La Esperanza auzo elkarteko zuzendaritzako kide Manolo Urdanpilleta zendu da. Bere bizilagunekin eta herriarekin konpromiso handia zuen; bizilagunen eskubide zein interesen alde egiten zuen lan. Probetxuzko oriatarra zen. Goian bego.

La Esperanza auzo elkarte

MANTTANGORRI HIRIBUSA



Lanegunak

Antxisu	Zabaleta	Atsobakar	Kotxerak
08:00	08:10	08:15	08:20
08:40	08:50	08:55	09:00
10:30	10:40	10:45	10:50
11:00	11:10	11:15	11:20
11:30	11:40	11:45	11:50
12:05	12:15	12:20	12:25
12:30	12:40	12:45	12:50
13:00	13:10	13:15	13:20
13:30	13:40	13:45	13:50
16:30	16:40	16:45	16:50
17:00	17:10	17:15	17:20
19:30	19:40	19:45	19:50
20:00	20:10	20:15	20:20

txintxarri

www.txintxarri.eus

Argitaratzailea
Ttakun Kultur Elkartea
Geltoki kalea 4 (behea)
20160 Lasarte-Oria
G-20407557

Administrataria
Nerea Garziarena.

Erredakzioa
Nerea Eizaguirre, Iñigo Gonzalez, Maddi Zaldua eta Maitane Aldanondo.

Publizitatea
Irati Zatarain.

Laguntzaileak
Gorka Lasa, Asier Odriozola, Gorka Alvarez, Jexux Artetxe, Maitane Rebe, Julen Basterra, Lierni Rekondo eta Aizpea Amas.

Banatzzaileak:
Lide Hidalgo, Uxue Odriozola, Julene Iraola, Egoitz Epelde, Endika Merban, Gorka Morales, Sergio Hernandez, Ander Hazas eta Iñigo Garcia.

Informatika zerbitzuak
IZT Informatika.

PUBLIZITATEA
Geltoki kalea 4 (behea)
Tel.: 943-37 14 48 (106)
WhatsApp: 646 82 44 66
publizitatea@ttakun.eus

EGOITZA NAGUSIA
Ttakun Kultur Elkartea
Geltoki kalea 4
Tel.: 943-37 14 48 (104)
WhatsApp: 688 68 35 10
txintxarri@ttakun.eus

Inprimategia
Zeroa Multimedia, S.A.

Lege Gordailua: SS-513/93
ISSN: 1134-0053
Tirada: 8.500 ale

BABESLEA



LASARTE-ORIA
UDALA

DIRUZ LAGUNDUTAKO ARGITALPENEA:



Gipuzkoako Foru Aldundia

AGENDA

EMAIGUZUE ZUEN EKITALDIEN BERRI ASTEAZKEN ARRATSALDEA BAINO LEHEN.

OSTIRALA 11

LASARTE-ORIA Musika

Victor Vega akordeoi jotzaileak eta Jesus Nuñez tronpeta jotzaileak osatutako Sut Vie Duo taldeak emanaldia egingo du, XVII. Musika Topaketan barruan. Sarrera, doan. Ama Brigitarren komentua, 19:30ean.

LASARTE-ORIA Zinema

Hilabeteko lehen zineforuma egingo du Okendo Zinema Taldeak: *Black is Beltza II: Ainhoa* filma proiektatuko du. Sarrerek 6 euro balio dute. Kultur etxea, 22:00etan.

LARUNBATA 12

LASARTE-ORIA Tailerra

Emakumeen Aurkako Indarkeriaren Kontrako Egunaren harira udalak iragarri duen egitarauaren barruan, Autodefensa Feminista tailerra antolatuko dute; Emagin elkarte arduratuko da saioa emateaz. Parte hartzeko izena ematea ezinbestekoa da.

Emakumeen Zentro Zibikoa, 10:30etik 13:30era eta 14:30etik 17:30era.

LASARTE-ORIA Antzerkia

Formol Laborategia konpainiak *Album* antzezlanaren emanaldia egingo du. Sarrerek 6 euro balio dute eta Kutxabank Sarrerak atarian eros daitezke. Intza Alkain herritarra da antzezleetakoa bat.

Manuel Lekuona Kultur Etxeko auditorioa, 20:00etan.

IGANDEA 13

LASARTE-ORIA Zinema

DC Supermaskoten liga filma proiektatuko dute, haurrentzat. Sarrerek 4 euro balio dute.

Manuel Lekuona Kultur Etxeko auditorioa, 17:00etan.

LASARTE-ORIA Zinema

En los márgenes filma proiektatuko dute, helduentzat. Sarrerek 6 euro balio dute.

Manuel Lekuona Kultur Etxeko auditorioa, 19:30ean.

OSTEGUNA 17

LASARTE-ORIA Erakusketa

Zurmailu Zurlanketa taldeak

INSAUSTI TABERNA

AZAROAK
12
LARUNBATA
20:00

Dj's: ** Artwood 69 **
**** Big Time ****
**** Dr. Punko ****
**** Marcos Carnaby ****
**** Sir Gorka of Mondra ****

LASARTE-ORIA Musika. Insausti tabernak musika gaua iragarri du larunbaterako, hilaren 12rako. Sei DJ arduratuko dira musika jartzeaz: Artwood 69, Big Time, Dr. Punko, Marcos Carnaby eta Sir Gorka of Mondra. Reggae estilora dantzatu ahal izango dute horiek ikustera gerturatzen diren lasarteoriarrek.

Insausti taberna, hilak 12 (larunbata), 20:00etatik aurrera.

erakusketa irekiko du, ikasleek urtean zehar prestatutako lanekin. Hilaren 27ra arte jarriko dituzte ikusgai, igandearrekin. Sarrera, doan. Antonio Mercero gunea. Astelehenerdik ostiralera, 18:00etatik 20:00etara, eta larunbatetik igandera, 12:00etatik 14:00etara.

LASARTE-ORIA Tailerra

Emakumeen Aurkako Indarkeriaren Kontrako Egunaren harira udalak iragarri duen egitarauaren barruan, Argazkia eta ahalduzko tailerra antolatuko dute. Idoia Telleria herritarra arduratuko da saio emateaz. Parte hartzeko izena ematea ezinbestekoa da.

Emakumeen Zentro Zibikoa, 17:30etik 20:00etara.

OSTIRALA 18

LASARTE-ORIA Euskaraldia

Egun horretan hasiko den Euskaraldiaren aurkezpen ekitaldia egingo dute. Txapa jartze kolektiboa egingo dute. Sarrerak doakoak dira.

Manuel Lekuona Kultur Etxeko auditorioa, 19:00etan.

LARUNBATA 19

LASARTE-ORIA Literatura

Aurtengo literatur lehiaketaren sariak banatuko dituzte. Manuel Lekuona Kultur Etxeko auditorioa, 12:00etan.

LASARTE-ORIA Musika jaialdia

Lasarte-Oriako Zero Sette Akordeoi Orkestrak XIX. Akordeoi Jaialdia antolatuko du. Sarrerek 6 euro balio dute.

Manuel Lekuona Kultur Etxeko auditorioa, 19:00etan.

IGANDEA 20

LASARTE-ORIA Zinema

Bony bears filma proiektatuko dute, haurrentzat. Sarrerek 4 euro balio dute.

Manuel Lekuona Kultur Etxeko auditorioa, 17:00etan.

LASARTE-ORIA Zinema

La consagración de la primavera filma proiektatuko dute, helduentzat. Sarrerek 6 euro balio dute.

Manuel Lekuona Kultur Etxeko auditorioa, 19:30ean.

ZINEMA

LASARTE-ORIA

MANUEL LEKUONA

'Black is Beltza II: Ainhoa'

Ostirala 11
22:00.

'DC Supermaskoten liga'

Igandea 13
17:00.

'En los márgenes'

Igandea 13
19:30.

USURBIL

URBIL

'Black Panther: Wakanda Forever'

Ostirala 11
16:00, 17:00,
17:45, 18:00,
19:45, 20:45,

21:30, 21:45,
22:45.

Larunbata 12

16:00, 17:00,
17:45, 18:00,
19:45, 20:45,
21:30, 21:45,
22:45.

Igandea 13

16:00, 17:00,
17:45, 18:00,
19:45, 20:45,
21:30, 21:45.

'Black Adam'

Ostirala 11
16:10, 19:05,
22:00.

Larunbata 12

16:10, 19:05,
22:00.

Igandea 13

16:10, 19:05,
22:00.

'El cuarto pasajero'

Ostirala 11

16:25, 18:55,
21:25.

Larunbata 12

16:25, 18:55,
21:25.

Igandea 13

16:25, 18:55,
21:25.

'Lilo, mi amigo el cocorilo'

Ostirala 11
16:10.

Larunbata 12

18:40.

Igandea 13

18:40.

'One piece film: Red'

Ostirala 11
16:20.

Igandea 13

16:20.

'13 exorcismos'

Ostirala 11
15:45.

Larunbata 12

15:45, 21:55.

Igandea 13

15:45, 22:30.

'Los renglones torcidos de Dios'

Ostirala 11
21:55.

Larunbata 12

21:55.

Igandea 13

22:20.

'Simel'

Ostirala 11
19:10.

Larunbata 12

19:10.

Igandea 13

19:10.

Larunbata 12

19:10.



LABURPENA

'El cuarto pasajero'

Zuzendaria: Alex de la Iglesia. **Gidoia:** Jorge Guerricaechebarria, Alex de la Iglesia. **Argazkia:** Rita Noriega. **ekoizleak:** Pokeepsie Films, Telecinco Cinema, Mediaset España, Movistar Plus. **Herrialdea:** Espainia (2022). **Iraupena:** 99 minutu. **Generoa:** Komedia, Road Movie. **Musika:** Roque Baños. **Aktoreak:** Alberto San Juan, Blanca Suárez, Ernesto Alterio, Rubén Cortada, Carlos Areces, Enrique Villén, Jaime Ordóñez, Gorka Aguinagalde, Carolo Ruiz, María Jesús Hoyos, Josep Maria Riera.

Ezagun bilakatu den bidaiari gaztea

Julianek (Alberto San Juan), 50 urte ditu, dibortziatua da eta arazo ekonomikoak ditu. Egun batetik bestera, bere autoa ezezagunekin partekatuko aplikazio bat erabiltzen hasiko da, eta, halako batean, erabat ezezaguna zen bidaiari bat,

ezagun izaten hasiko da; Lorena (Blanca Suarez), askotan Madrilera bidaiatzen duen neska gaztea. Hilabeteak daramatza Julianen autoan bidaiatzen, eta azkenaldian, berekiko sentimentuak sortu zaizkiola konturatuko da Julian.

txintxarri

Lasarte-Oriako etxe eta komertzioetan,
doan eta euskaraz

“PUBLIZITATEA DA
INBERTSIORIK
ONENA”


HORREGATIK...

DESKONTU BEREZIAK DITUGU

HERRIKO KOMERTZIO, ENPRESA ETA OSTALARIENTZAT

ESKATU TARIFAK: publizitatea@ttakun.eus • 646 82 44 66 

Eskatu **ticketa** azpiegitura
hobeak izateko. **BAI.**



Eskatu TicketBAI, etorkizuneko erronkei aurrea
hartuko dien Gipuzkoa bat eraikitzeko.

gipuzkoa.eu/ticketbai



TicketBAI
GIPUZKOAN | EN GIPUZKOA

Gipuzkoako
Foru Aldundia
Diputación Foral
de Gipuzkoa



**ETORKIZUNA
ORAIN**
Es futuro